Zeitschrift: L'ami du patois : trimestriel romand

Band: 35 (2008)

Heft: 141

Artikel: Lè doû quequelyâre = Deux bègues

Autor: Marc

DOI: https://doi.org/10.5169/seals-245332

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 28.11.2025

ETH-Bibliothek Zürich, E-Periodica, https://www.e-periodica.ch

Lè doû quequelyâre - deux bègues



Marc à Louis (VD)

Y'é oyu l'autr'hi vè la Crâi d'oo, doû roûdeu, ion que s'appelâve Caporat et l'autro que l'avâi po nom sobriquiet Colonet. Quequelyîvant tî lè doû et vaitcé cein que sè sant de :

- Salut, Ca... ca... ca... caporat!
- Salut, Co... co... colonet!
- Eintre-to âo ca... ca... ca... cabaret ?
- Oï, mè faut lâi vère cau... cau... cau... cauqu'on.
- Po tè payî qua... qua... qua... quartetta?
- N' é pas fauta d'on co... co... coo. po mè payî.
- Eh bin, païe-mè on ca... ca... ca... canon.
- Na, ne trâovo pas dinse l'erdzeint dein onna co... co... co... co... colisse.
- Té lo reindrî. Y'ein é dein ma ca... ca... ca... capita.
- Mè mouso que t'ein a atant que de co... co... co... coquie su on premiolâ.
- T'î pas on bon ca... ca... ca... camerardo!
- Vu pas m'einco... co... coblyâ avoué tè!
- Fâ pas tant lo fiéraud. Su sû que t'a rein dein ta ca... ca... ca... catsemaille.
- Co... co... cô tè l'a de ?
- Pas pî qua... qua... quaranta ceintime...
- Va bin se tè resseimblyâvo. Travaillo vè on co... co... co... cordagnî.
- Te vâo dere on ca... ca... ca... cacapèdze.
- Lâi a min de croûyo mètî, lâi a que dâi co... co... co... coffè dzein.
- Te travaille mé avoué la leinga qu'a... ca... ca... qu'avoué lè man.
- Et tè, la pî de tè dâi n'è pas ein co... co... co... corne.
- T'a atant d'erdzeint que de ca... ca... ca... cassin. Min!
- Lè quau... co... co... quauque batze que y' é sant pas po t'abrèvâ.
- N' ein vu rein de ton erdzeint. Va pî repetassî ta ca... ca... ca... casaqua!
- Va betâ dâi co... co... comet à ton gilet à mandze.
- Avoué tè tsambe quemet dâi ca... ca... ca... cafetière!
- Et tè avoué tè get asse grô que dâi co... co... co... copon de bolondzî.
- Ton mor asse âovert qu'on ca... ca... ca... catseplliat.
- Avoué ta barba quemet onna co... co... co... coma de tsevau.
- Ta tîta ein ca... ca... ca... caquelon!
- Va tè reduire, co... co... co... corbé!
- Va tè ca... ca... catsî! T'épouâire lè bregand!
- Co... co... cotyin!

- Ca... ca... cassibraille!
- Co... co... cotson plliein de piâo!
- Ca... ca... ca... caïon d'èbouèton!
- Ca... ca... cacalâityâ!
- Te vâo mè dessuvî, tè que te tsante quemet lè dzenelye quand l'ant fé l'âo!

Co co co lâ Y'é fé ma dzornâ Âo bas dâi z'ègrâ Va bin dèdjonnâ Co co co co lâ.

- Tè vâo mè contrefére, tè onna motchà, vilyo co... co... co... cocardier.
- Vaitcé mè poing, tsouye la ca... ca... ca... câra.

Noûtrè doû coo sè sant fotu 'na bourlâïe, pu sant parti, ion contro Ca... ca... ca... Carodzo et l'autro contro Co... co... Cossale!

Les deux bègues

J'ai entendu, l'autre jour, vers la Croix d'or, deux rôdeurs, un qui s'appelait Caporal et l'autre Colonel. Ils bégayaient tous les deux et voici ce qu'ils se sont dit :

Quelques **explications** pour la traduction (les mots sont en gras dans le texte).

```
quartetta = un quart de pot
colisse = tuyau d'évacuation d'eau
coquie = noix; premiol \hat{a} = pruneautier
catsemaille = tirelire
coffè dzein = sales gens
repetassî = réparer grossièrement
copet = morceau d'étoffe
copon = paneton où lève le pain
catseplliat = four où l'on garde les plats au chaud
coma = crinière
cassibraille = chose ou personne sans valeur
cotson = nuque; pi\hat{a}o = pou
èbouèton, bouèton, bouaton = étable à porcs
cacalâityâ = sobriquet des armaillis buveurs de petit-lait
dessuv\hat{i} = imiter, contrefaire
motch\dot{a} = gifle, mornifle
tsouye = prends garde; c\hat{a}ra = averse.
```